



Na osnovu člana 37. i 88. stav 2. Zakona o državnoj službi u Tuzlanskom kantonu („Službene novine Tuzlanskog kantona“, broj: 11/24-prečišćeni tekst), u vezi sa članom 74a. Zakona o državnoj službi u Federaciji Bosne i Hercegovine („Službene novine Federacije BiH“, br. 29/03, 23/04, 39/04, 54/04, 67/05, 8/06, 4/12, 99/15 i 9/17 – Presuda Ustavnog suda Federacije Bosne i Hercegovine broj: U-13/16), na zahtjev Ministarstva za rad, socijalnu politiku i povratak Tuzlanskog kantona, Agencija za državnu službu Federacije BiH, objavljuje

## JAVNI KONKURS

### za popunu radnog mjesta državnog službenika u

Ministarstvu za rad, socijalnu politiku i povratak Tuzlanskog kantona

## I. RADNO MJESTO

**01. Stručni savjetnik** za upravno rješavanje i normativno-pravne poslove u Odjeljenju socijalne zaštite, zaštite civilnih žrtava rata i zaštite porodice sa djecom – 1 (jedan) izvršilac

## II. OPIS POSLOVA

### Radno mjesto 01.

**Opis poslova:** vodi upravni postupak i rješava u upravnim stvarima u drugom stepenu iz oblasti socijalne zaštite, zaštite civilnih žrtava rata i zaštite porodice sa djecom; prati provođenje politike i izvršavanje zakona, drugih propisa i općih akata iz oblasti socijalne zaštite, zaštite civilnih žrtava rata i zaštite porodice sa djecom, te inicira donošenje zakona, drugih propisa i općih akata i njihovih izmjena i dopuna iz navedenih oblasti; vrši izradu prednacrti i nacrti zakona, drugih propisa i općih akata, iz oblasti socijalne zaštite, zaštite civilnih žrtava rata i zaštite porodice sa djecom i daje stručno mišljenje o prednactima i nactima tih propisa, ako ih rade drugi organi; priprema prečišćene tekstove i ispravke zakona, drugih propisa i akata iz oblasti socijalne zaštite, zaštite civilnih žrtava rata i zaštite porodice sa djecom; priprema stručna mišljenja i objašnjenja za primjenu zakona, drugih propisa i akata iz oblasti socijalne zaštite, zaštite civilnih žrtava rata i zaštite porodice sa djecom povodom upita građana, pravnih lica i drugih subjekata ili po službenoj dužnosti; vrši reviziju prvostepenih rješenja iz oblasti socijalne zaštite, zaštite civilnih žrtava rata i zaštite porodice sa djecom; vodi postupak i priprema rješenja o ispunjavanju uslova za osnivanje ustanova; ukazuje nadležnom inspektoru i ustanovama na uočene nedostatke i nezakonitosti pri donošenju upravnih akata kojima se rješava u upravnim stvarima, kao i na propuste u stručnom radu; sarađuje sa nadležnim državnim organima i institucijama u vezi utuženja korisnika prava iz socijalne zaštite, zaštite civilnih žrtava rata i zaštite porodice sa djecom; odgovoran je za kontrolu prvostepenih rješenja korisnika prava iz oblasti socijalne zaštite, zaštite civilnih žrtava i zaštite



Kolodvorska 6, 71.000 Sarajevo



+387 (0) 33 552 040



info@adsfbih.gov.ba



www.adsfbih.gov.ba: www.hrm.adsfbih.gov.ba <https://ekonkurs.adsfbih.gov.ba/>



porodice sa djecom koje centri za socijalni rad dostavljaju Ministarstvu uz fakture za plaćanje prava korisnicima odnosno vrši kontrolu ispravnosti, tačnosti i potpunosti tih rješenja, te svojim potpisom na tim rješenjima garantuje za njihovu ispravnost, tačnost i potpunost; koristi elektronsku bazu „SOTAC“ i druge elektronske baze radi informisanja, provjere i kontrole rješenja o ostvarivanju prava koje Ministarstvu dostavljaju centri za socijalni rad; poduzima odgovarajuće aktivnosti radi pravovremenog prosljeđivanja kompletne dokumentacije o pristiglim rekapitulacijama od centra za socijalni rad u vezi sa isplatom prava iz oblasti socijalne zaštite, zaštite civilnih žrtava rata i zaštite porodice sa djecom, nakon njihove kontrole, zaposlenicima Ministarstva koji rade na ekonomsko-finansijskim poslovima uz poštivanje definisanih rokova; učestvuje u provođenju nadzora nad stručnim radom pravnih i fizičkih lica koja se bave djelatnošću socijalne zaštite na području Tuzlanskog kantona; učestvuje u pripremi izrade tenderske dokumentacije, teksta objave tendera, te učestvuje u provođenju postupka javnih nabavki i rada u komisijama u oblasti rada Odjeljenja; učestvuje uradu komisija koje se formiraju odlukom Ministra, Vlade i Skupštine; Obavlja i druge poslove po naređenju ministra i pomoćnika ministra.

Visina osnovne pripadajuće plate: 2144,14 KM

Mjesto rada: Tuzla

### **III. USLOVI ZA PRIJAVU**

#### **Opći uslovi:**

Kandidati moraju ispunjavati opće uvjete iz člana 38. Zakona o državnoj službi u Tuzlanskom kantonu (u daljem tekstu: Zakon):

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme odnosno visoko obrazovanje najmanje prvog ciklusa Bolonjskog sistema studiranja, što se utvrđuje uredbom iz člana 10. stav (2) Zakona o državnoj službi u Tuzlanskom kantonu;
4. da je zdravstveno sposobno za obavljanje poslova predviđenih za to radno mjesto;
5. da u posljednje tri godine, od dana objavljivanja upražnjenog radnog mjesta, lice nije otpušteno iz državne službe kao rezultat disciplinske mjere, na bilo kojem nivou vlasti u Bosni i Hercegovini;
6. da nije obuhvaćeno odredbom člana IX 1. Ustava Bosne i Hercegovine;
7. da se protiv njega ne vodi krivični postupak.

#### **Posebni uslovi:**

Pored općih uslova navedenih u javnom konkursu, kandidati moraju ispunjavati i posebne uslove, i to:

#### **Radno mjesto 01:**

- VSS-VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja koji se vrednuje sa najmanje 240 ECTS

- bodova – pravne struke,
- najmanje 3 (tri) godine radnog staža u struci nakon završene visoke stručne spreme.

#### IV. IZBORNI PROCES

**Izborni proces se provodi putem ispita općeg znanja (IOZ) i stručnog ispita.**

- **IOZ** ima za cilj utvrditi da li kandidati koji konkurišu na radno mjesto državnog službenika posjeduju dovoljan stepen znanja iz oblasti javne uprave koja su neophodna za obavljanje poslova državnog službenika. Kandidati koji su položili ispit općeg znanja prije donošenja Uredbe o uslovima, načinu i programu za polaganje ispita općeg znanja i stručnog ispita za kandidate za državnu službu u Tuzlanskom kantonu ("Službene novine Tuzlanskog kantona" br: 10/18), stručni upravni ispit ili pravosudni ispit pred bilo kojim nadležnim organom u Bosni i Hercegovini, kao i kandidati koji su položili pravosudni ili stručni ispit izvan područja Bosne i Hercegovine, pred nadležnim organima u SFRJ do 01.03.1992.godine, izuzeti su od polaganja IOZ.
- **Stručni ispit** polažu sva lica koja kao kandidati konkurišu na radna mjesta državnih službenika u organima državne službe Kantona, grada i opština. Cilj stručnog ispita je provjera sposobnosti kandidata za rad na konkretnom radnom mjestu na koje se prijavio. Stručni ispit se sastoji od pismenog i usmenog dijela (intervjua). Pravo pristupa stručnom ispitu imaju kandidati koji se prijavljuju na radna mjesta državnih službenika, pod uslovom da ispunjavaju uslove javnog konkursa i da su prethodno položili ispit općeg znanja (IOZ) *a prema strukturi stručnog ispita za radna mjesta državnih službenika kako slijedi:*

**Stručni ispit za navedeno radno mjesto državnog službenika sastoji se od:**

- Pisani dio stručnog ispita polaže se u vidu testa koji se sastoji od 10 pitanja sa opcijskim odgovorima.
- Kandidat koji je uspješno položio pismeni dio stručnog ispita, pristupa intervjuu na kojem mu članovi Komisije postavljaju određeni broj pitanja koja imaju za cilj da utvrde personalne karakteristike i iskazane sposobnosti kandidata za obavljanje poslova konkretnog radnog mjesta na koje se prijavio. Pitanja na intervjuu mogu se odnositi i na radno iskustvo kandidata, njegovu stručnu spremu, kvalifikacije, sklonost kandidata za timski rad i usvajanje novih znanja vezano za određeno radno mjesto, djelatnost organa na koju se javni konkurs odnosi, kao i oblasti državne uprave, državne službe i drugih oblasti koje mogu biti u vezi sa radnim mjestom kao i druge informacije koje je kandidat naveo u svojoj prijavi.

## V. PRIJAVA NA JAVNI KONKURS

Prijavu na javni konkurs kandidati mogu podnijeti putem pošte, na adresu Agencije u skladu s uslovima ovog javnog konkursa odnosno u skladu sa statusom kandidata u pogledu obaveze polaganja ispita općeg znanja:

- 1. Kandidati izuzeti od polaganja ispita općeg znanja prijavu podnose putem pošte** – dostavljanjem uredno popunjenog Obrasca prijave (bez dodatne dokumentacije).
- 2. Kandidati koji nisu izuzeti od polaganja ispita općeg znanja prijavu podnose putem pošte** – uredno popunjen [Obrazac prijave](#) i dokaz: [Uvjerjenje o radnom stažu](#), u struci nakon sticanja visoke stručne spreme, original ili ovjerena kopija na obrascu dostupnom na web stranici Agencije, ili drugi dokaz koji sadrži podatke navedene u propisanom obrascu.

## VI. DOSTAVLJANJE DOKAZA NAKON STRUČNOG ISPITA

Kandidati koji uspješno polože stručni ispit dužni su u roku od **pet dana** od dana prijema obavještenja od strane Agencije, putem pošte, dostaviti dokaze (original ili ovjerene fotokopije) **o ispunjavanju posebnih** uslova ovog javnog konkursa, **sa sljedećom napomenom da:**

- *Ovjerena fotokopija diplome o završenom visokom obrazovanju mora sadržavati napomenu da izvornik - diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica. Sve ovjerene fotokopije diploma koje ne budu dostavljene na navedeni način bit će odbačene kao neuredne.*
- *Kandidati koji imaju završen II ili III ciklus Bolonjskog sistema studiranja, dužni su dostaviti i diplomu o završenom I ciklusu Bolonjskog sistema studiranja.*
- *Diplome o stečenom visokom obrazovanju, koje kandidati dostavljaju kao dokaz o ispunjavanju posebnih uslova konkursa, moraju biti nostrificirane ukoliko nisu stečene u Bosni i Hercegovini ili su stečene u nekoj od država nastalih raspadom SFRJ nakon 06.04.1992. godine.*
- *Dokaz o radnom stažu u struci dostaviti na Obrascu [Uvjerjenja o radnom stažu](#), a izuzetno se može dostaviti i drugi dokument pod uslovom da sadrži sve podatke koji su propisani obrascem uvjerenja.*
- *Kandidat koji polaže pravo na prioritarno zapošljavanje po osnovu posebnog zakona dužan je istovremeno sa dostavom dokaza o ispunjavanju uslova javnog konkursa dostaviti i odgovarajuće dokaze o svom statusu u skladu s propisom na koji se poziva.*
- *Agencija može u svakoj fazi konkursne procedure zatražiti od kandidata na uvid originale priloženih kopija dokumenata koji služe u svrhu dokazivanja ispunjavanja uslova javnog konkursa. Ukoliko pozvani kandidat ne postupi po zahtjevu Agencije za provjeru izvornosti dostavljenih ovjerenih fotokopija dokumenata, bit će isključen*

*iz konkursne procedure.*

## **VII. OBAVJEŠTAVANJE KANDIDATA**

Agencija, u skladu sa članom 41. Zakona i članom 30. Uredbe, objavljuje rezultate javnog konkursa na Oglasnoj ploči (u digitalnom i fizičkom formatu) i usmeno obavještava kandidate o rezultatima koje su postigli.

Agencija obavještava kandidate o svim fazama izbornog postupka, datumu, vremenu i mjestu polaganja ispita općeg znanja i stručnog ispita i drugim informacijama vezano za konkurs putem službene web stranice <https://ekonkurs.adsfbih.gov.ba>, web aplikacije „eKonkurs“, ili elektronskim putem (e-pošta) u slučaju da je ista sastavni dio prijavnog obrasca kandidata.

## **VIII. VAŽNE UPUTE KANDIDATIMA**

1. Prijava dobija šifru pod kojom podnosilac prijave učestvuje u daljnjem izbornom postupku. O dodijeljenoj šifri podnosilac prijave će biti obaviješten putem adrese e-pošte navedene u prijavnom obrascu.
2. Kandidati u javnom konkursu moraju ispunjavati uslove javnog konkursa s danom njegove objave u „Službenim novinama Federacije BiH“, neovisno od toga kada su dokazi dostavljeni.
3. Ako kandidat ne pristupi polaganju stručnog ispita smatrat će se da je odustao od dalje konkursne procedure.
4. Kandidate koji polože stručni ispit (pismeni i intervju), Agencija će pisano obavijestiti o vremenu i načinu dostavljanja dokaza o ispunjavanju uslova javnog konkursa.
5. Kandidat koji u bilo čemu ne postupi po navodima javnog konkursa bit će isključen iz konkursne procedure bez mogućnosti ponavljanja propuštene radnje.
6. Priprema za ispit: Kandidati mogu koristiti web aplikaciju **ILIAS** za pripremu ispita na adresi: [ilias.adsfbih.gov.ba](https://ilias.adsfbih.gov.ba) gdje će pronaći:
  - **Pristup materijalima** – Vodič za polaganje ispita općeg znanja i stručnog ispita
  - **Simulaciju ispita** – Probni testovi dostupni online.
7. Agencija za državnu službu Federacije BiH obavještava kandidate da su odgovori na najčešće postavljena pitanja dostupni na službenoj web stranici Agencije. Za dodatna pitanja koja nisu obuhvaćena objavljenim informacijama, službena komunikacija s kandidatima odvija se isključivo putem e-mail adrese: [postavljena.tuzla@adsfbih.gov.ba](mailto:postavljena.tuzla@adsfbih.gov.ba). Molimo kandidate da komunikaciju putem drugih kanala smatraju nevažećom.

## **IX. ROK ZA PODNOŠENJE PRIJAVE**

Rok za podošenje prijave je **15 (petnaest) dana** od dana objave javnog konkursa u "Službenim novinama Federacije BiH".

Neblagovremene, nepotpune i neuredne prijave bit će odbačene.

**Prijava dostavljena putem pošte** smatra se blagovremenom ako je poslana preporučeno najkasnije posljednjeg dana roka predviđenog za podnošenje prijave, na adresu:

**Agencija za državnu službu Federacije BiH – Služba za postavljenja u organima  
državne službe u Tuzlanskom kantonu,  
Trg slobode b.b., 75 000 Tuzla  
s naznakom: “Javni konkurs za popunu radnog mjesta državnog službenika u  
Ministarstvu za rad, socijalnu politiku i povratak Tuzlanskog kantona “,  
s pozivom na broj: 11-30-8-88/26**

**DIREKTOR**

**Refik Begić, magistar uprave**